

ديوان

شريط ذكريات

للشاعر: مجدى حسن



حقوق الطبع والنشر محفوظة
لدار الأديب للنشر والتوزيع



دار الأديب للنشر والتوزيع

شريط ذكريات

مجدى حسن

٢٠١٨/٢٧١٩٤

لدار الأديب (نجلاء زغلول)

من تصميمات الدار

اسم الدار

اسم الديوان

اسم المؤلف

رقم الإيداع

الإخراج الفني

الغلاف

إهداء

إلى من أحببت من أجلها الحب
.. وكتبت في عينيها أشعاري

الشاعر

مجدى حسن





كسر المشاعر

أيوه اشتكيتك للسما ورفعت دعوى ف محكمه
وطلبت آخذ حقي منك وكتبت ده فى المظلمه
حبسوه سرق مش قادر وبيكسر الأبواب
أما كسر المشاعر مالهبوش ما بيننا حساب
قلب وبقلوب يتاجر يقتل ومالوش عتاب

جيتلك يا قاضى وقلبي راضى بحكم تنطق بيه
ما يقولش ماضى مايقولش عادى ما يقولش مذنب ليه
لسه فاكراه كل كلمه وحرف بيننا
كل ضحكاه وكل دمعه من عيوننا





هانت عليه عشرتي هانت عليه وحدتي

هو مكمل حياته وانا انتهت دنيتي

كنت بشوف الخيانه وبكذب فيه عيني

علشان احفظ هوانا وايديه تبقى ف ايديا

ضيع حياه بايديه احكم يا قاضى عليه

احكم يرجع عمرى ما هو ضاع فى كذب عيني

بطلب قانون يعوض العمر اللى راح

ولا ميت قانون يداوى فى القلب الجراح





ويوان شريط فكريات



احكم يا قاضى احكم بقا

.... احكم عليه بسنين شقا

احكم بكل ليله فى حبه سهرتها

احلام كانت جميله وياما حلمتها

احكم بكل كدبه معاه صدقتها

كانت سبب فى اللى انكتب

وعمرى وياها انتهى

احكم بقا.. احكم بقا...!!





وقالوا الحب

وقالوا الحب في زماننا مالهش وجود

وشافوا الحب في عيوننا ما لهش حدود

وليه خايفين كدا منه تعالوا اتعلموا فنه

انا العاشق انا الشارى

انا اللى اخترت مشوارى

انا اللى آمنت بوجودك

وبكتب فيكى اشعارى

حياتى يا ضيا عينى بقيتى التوهه والمرسى

بقيتى شكى ويقينى

بقيتى ف دنيتى الأنثى





ويوان شريط فكريات



وحضن جميل مدفينى

لا انا فاكر ولا بانسى

يانهر العشق يا قمرى يا األى من سنين عمرى

يا نفسى واألى من نفسى هوايا وضلتى وشمسى

تعالى نقول لكل الناس يعيشوا الحب زينا

يكون النبض والانفاس يكون الموجه والمينا

مع تتر البدايه لقصة عمرنا

ولكلمة النهايه هنكون مع بعضنا

وطول ما فقلبى دقة قلب هيخلص ليكى ويصونك

ولما يقولوا فين الحب كفايه يبصوا فى عينوك





إنتَ فين

انتَ فين كنت جنبى من يومين

نفسى اقابلك نفسى اقولك كلمتين

كنت ساكن جوا قلبى كنت نبضه وضى عين

والأماكن بيك يا حبى والأمانى مزروعين

مين يونس قلبى بعدك وانتَ ساكن فيه لوحداك

كنت بتخليه يدوق معنى السعاده

كنت ساكن فيه وليك إنتَ السياهه

كنا عاشقين الحكايه م البدايه للنهايه

عشت جنبك دنيا تانيه عشقها كان ليك وبيك

كل لحظه وكل ثانيه شفتها بس بعينيك





ويوان شريط ذكريات



مش هقوم الصبح بدرى على بوسه م الجبين؟
والقا فى عيونك يا عمرى نظرتين لهفه وحنين
مين يساوى بايده شعرى واجرى وأبوس الإيدين
هان عليك تكسر بخاطرى هان عليك عشرة سنين
اتحسدنا م البشر واللا بعدك كان قدر
واللا مكتوبلى اعيش ليلى منغير القمر
لما هتبيع اللى فات ليه سايبلى الذكريات
كل لحظة حب بيننا خدها خد كل الحاجات
ليه بتحرم قلبى منك عمره يوم ما استغنى عنك
اعمل ايه يا حبيبي بعدك اعمل ايه بكلمة حبيبي
ليه كتبت عليا بعدك قولت ليه للشمس غيبي





فارس

الأنثى مش حروف فى أجندة حضرتك

ولا واحده من ألوف بكديه عشقتك

الأنثى هيا بنتك واختك ووالدتك

أو يوم كانت زميلتك أو بنت حتتك

وف يوم هتكون حبيبتك وتور سكتك

يعنى ف كل الظروف الأنثى دنيتك

آسف لكل واحده بكلامى خدعتها

اديتها بايدى ورده تغيب عقلها

وكنت بشوفها شارده بتضيع وقتها

ساعتها ماكنتش افهم ايه معنى حبها





ویران شریط ذکریات



وازای کانت بتحلم ابنیلها عثها
فارس وتملی بکسب غزواتی کلها
ولا شفت عیون جمیله الا واسرتها
کان عندی الحب لعبه ویاما لعبتها
وکنت بعیش حیاتی بطولها وعرضها
لابراعی یوم مشاعر ولا احس بکسرھا
کنت بشوف انتصاری فی دموعھا وذلھا
علی کفی طیور کتیره وقفت اکلتها
ورمیتھا ف شوق وحیره ما طاریتس بعدها
وبنظره واحده منی تفرح ترقص تغنی
وبنظره واحده منی الحزن یضمھا
لکن اول ماشفتک وهاجمنی الصوت وصورتک





ويوان شريط فكريات



ناديت وبأعلى صوتي يادنيا بحبها
فجأه اتكعبل حصانى ورمانى فى الهوى
ولقيت فرحة زمانى فى جراح مالهاش دوا
خلانى الحب اتوب عن لعبى بالقلوب
عديت كل النجوم عديت ورق الشجر
ولقيتتى كل يوم بسأل كل البشر
اشمعنى عيونك انتى وف دمي ازاي سكنتى
ازاي حبيت هزيمتى بنظره منها
فارس وكنت بكسب غزواتى كلها





بتحبنی

بتحبنی لأ قولها من تانی

بتحبنی دی حروفها عجبانی

بتحبنی لأ قولها سمعی

بتحبنی بحروفها متعی

خلینی أحس إن زمانی بیک ابتدی

وكانی ورده ف بستانی وانت الندی

دی کلمه متلحنه منغیر جیتار أو عود

حروفها مثلونه ألوان زهور و ورود

کلمة بحبک أنا تکتب وعود وعهود





ويولان شريط زكريات

الله عليك لما تقولها واخطفها منك اكملها
تضحك سنينك وسنيني واحضن شفايفك بعيوني
يا اغلى من كل غالى يا احدى شئ ف الليلالى
خليك فى حضنى هنا ارويني واحييني
بكتب بحبك أنا على كل فساتيني
على كل حته ف جسمى باكتبها تقراها
دى حروفها صبحت اسمى وعشقت معناها
بتحبنى لأ قولها من تانى
بتحبنى دى حروفها عجبانى





بودعك

بودعك حبيبي لمثواك الأخير

بعدك ما بقتش هفرح ولا انشغل واغير

وأغلى حته منى راحت غضب عنى

حبيبي ليه تسيبنى بعد الحب الكبير

رجعت لبيتنا وحدى بدموع بتشق خدى


نفسى تبلعنى أرضى وروحي معاك تطير

كانت عالحيطه صورتك

مخبيني فى حضنك

منا كنت حته منك وضى سماك وارضك





ويوان شريط ذكريات

هاجمتني الذكريات شلال من الذكرى
وسنين عمرى اللي فات ما لهاش خلاص بكره
مشهد بيمر ورا التانى يمكن دا يخفف حرمانى
ولقيت نفسى حاضنه ملابسك
بسمع صوتك واسمع همسك
حبيبي سايبلى ايه من بعدك أعيش عليه
غير كل ركن شافنا وليه كان بيننا فيه
سايب لمسة ايديك وجمال نظرة عينيك
وهدوءك وقت غضبى لما اتدلل عليك





ويوان شريط ذكريات



ولما اقول بحبك تقول بتحب موت

واتاريك حاسس حبيبي هتسيني ويوم تموت

باسمع صوتك في قلبي باسمي بيناديني

واشعر باديك يا حبي بتمسح دمع عيني

استتاني انا جيا لك استتاني

استتاني مهما يطول من عمر زمني

يمكن نقدر تاني نعيش يمكن ارجع حضنك تاني

يمكن ربي ما يحرم نيش والقا معاك في الجنه مكاني

استتاني . . استتاني..!!





قطعة شطرنج

مش قطعة شطرنج ف إيدك

تواعدنى وتخلف مواعيدك

انا مش جاريه ضمن عبيدك

وحده هوانا سيدى وسيدك

كنت برمش عينيك صياد

قبلى كتير كنت بتصطاد

قلبى لقلبك بالمرصاد

واللى بنتجى تصيده يصيدك

يعنى يا اما نكون احباب

او تخرج مفتوح الباب





ويوان شريط فكريات



مش هتحمل لحظه عذاب

لو هتزيد العند هزيدك

انا علشان حبيبتى بحبك

ساكن قلبى وساكنه ف قلبك

لو تبعد هبعد من جنبك

وهينتهى م القلب رصيدك

اوعى تفكر يوم تتغير

اوعى تحيرنى وتتحير

او تتخيل او تتصور

لو راح عيدى هيفضل عيدك

انا مش جاريه ضمن عبيدك





أربع حروف

من بين حروف الأبجدية أجمل حروف في الدنيا ديا

أربع حروف وفيهم حرف متكرر

بتحیی أوف قلوبها ترق وتور

بقیت احلم بقیت اسهر وعمری علیکی ما اتأخر

لقیتم نفسی نسیت یأسی وطعم المر بقی سکر

و اتاری الفرح مکتوبلی و اتاری الفرح متقدر

نامت ایدینا فحضن بعض قالت عینینا الف وعد

لا سمعنا یوم کلمة فراق ولا دقنا لیلہ طعم بعد





ويوان شريط ذكريات



برغبتك قولتيها واختارتى سكتك

بنيت عمرى عليها ودخلت جنتك

لقيتتى بعيش على بابك كما الدرويش فى محرابك

وبفرح لو بنظرة عين وبفرح حتى بعتابك

حروف وحسيتها صحيتى القلب بيه

ياما اتمنيتها منك وعارف هتقولها

مع انى ياما سمعتها ولاحس قلبى بطعمها

وسمعها منك حبها وقال حبيبه اختارتها

حبك فى قلبى كبير حبك قدر ومصير

ع الارض نمشى سوا بين النجوم بنطير

انتى انا والللا انا انتى اربع حروف سموكى محبوبتى

مبقتش عارف نفسى من نفسك





ويوان شريط فكريات

ولا حتى عارف همسى من همسك

بلمس ايديكى واللا بلمسنى

بحرس عينيكى او بتحرسنى

وبرد لما يندهوا اسمك وتردى لما يندهوا اسمى

وكأنى عمرى مادقت طعم الابتسامه

وكأن قلبى غريق وشاف بر السلامه

حروف بيبدأ بيها فجر العمر بيهم بيقى عمر

قالوها كثير وسمعوها ولا داقوا حلاوتها

ولو بالصدق عاشوها هتملا الدنيا فرحتها

بتخلى الانسان انسان ينسى سنين غربه واحزان

قلبى كان صحرا وعطشان واتحول لاجمل بستان





ویوان شریط وکریات



یا أجمل روح بتسکن روح غرام ساکن شرابینی

عبیر وف دنیته بیفوح فی کل طریق بتهدینی

مبقتش بخاف الا علیکی ولا بسمع غیر امر عینیکی

من کل الکون وحدک لیا وبقت عایش بیکی ولیکی

تقولیها بسمعها بقلبی وبقولها بتفرح قلبک

انا. انا. انا. ب. ح. ب. ک





انا مش رقم

انا مش رقم فى اجندتك مش اى واحده حبتك

مش واحده ترضيلك غرورك انا دنيا عشقت دنيتك

وفى الحقيقه وفى الخيال بنيت على حبك امال

وقولت نسيانك محال وسجنت نفسى ف جنتك

داريت فى القلب ياما وحفظت الحب ياما

ورضيت بجراحي منك الا جرح الكرامه

نسيت احلام معاك نسيت كل اللى فات

مش فاضل من هواك غير حبة ذكريات

منغير الحب هعيش يعنى اللى محبش مات؟





ويوان شريط ذكريات

يمكن هحتاج لوجودك وهحس بوحده ساعات
لا مش رقم ولا عمرى هقبل اكون رقم
مبقتش اغير ولا اخاف عليك مبقتش مشتاقه لعينيك
مبقتش هسمعلك كلام ولا صلح يفرق أو خصام
بلاش عليا تدور ولا حتى فيا تفكر
قلبي قدر ينساك انسانى يوم لو تقدر
مش هتوه بعدك انا فى بحر ومالوش ضفتين
يمكن ادوق طعم الهنا يمكن هتضحكى السنين
احتميت م الدنيا فيك ووعدت هتشيانى فعينيك
تحمينى بحبك من وجعى وراهنى بكل حياتى عليك
سبت قلبي يعيش فى حلم حلمى ضيعته بايديك
حاربت الكل علشانك وخننتى وحاربتنى





ويوان شريط ذكريات



داويت وجعك واحزانك وبإيدك انت وجعتنى

بقيت مع الايام عليا بتعشق الدمع ف عينيا

احلف بقى واكذب احلى الكلام اكتب

وقولّى بتعد النجوم وبتسهر الليل كل يوم

قولت بإيدك تمسح دموعى وانت بإيدك نزلتها

وكنت اغيب تضمن رجوعى ما انا كنت ساذجه وقتها

ياريت ما عشت دنيتك ياريت ما كنت دخلتها

يا حلم طول عمرى احلمه وحلمى بإيدك انتهى

ارحل بقى ارحل بقى مبقتش لك متشوقه

ارحل بقى عن دنيتى سيبنى لدموعى وغرتى

انا قلبى كان عندك امانه بعث الامانه وخونتها

ارحل بقى ارحل بقى

(٢٥)





نار البعد

اتقفل باب المناقشه حبك خلاص ما يهمنيش

ما انا كنت وانت معايا عايشه

ولسه من غيرك بعيش

مش هتحايل واترجاك ترجع اكمل عمرى معاك

ايوه بقولها ومن جوايا مش هتلاقى بديل لهوايا

سيبنى بجد مش هتهد ولا هتشوفلى دموع ع الخد

مهما الشوق سهرنى لياالى او هتجبنى ساعات فى خيالى

مهما يقول القلب دا غالى مش هندم ولا هسكى لحد

سيبنى وجرب نار البعد مش هتطول ولا سما ولا ارض

وهترجع يوم تترجانى من بعد ما دبلت الورد





ويوان شريط زكريات



انا اللي كتبت اوصافك باحلى حروف
وانا اللي ف ضل محرابك لقيتني بطوف
وياما دفنت احلامي وغابت شمس ايامي
وقلت عشانك اتحمل وتبقى العشره بالمعروف
بندم على كل كلمه فى وصفك قلتها
وكل لحظه حلوه فى حضنك عشتها
وكلمه قولتهاالى فى يوم صدقتها
ياما وعدت تكونلى وتوفى
ليه بتسبنى ف لحظة ضعفى
لسه عيونى هيا عيونى لسه شفائفى هيا شفائفى
ولا حضنك يوم هيدفينى ولا حضنى من البرد يدفى





أجمل حوریه

كل شئ فی الدنيا بقدر اوصفه

كل شئ جریته وبقیت اعرفه

الا احساسی بهواکی لو فی بعدك او معاکی

لو فی لیلک او نهارک او فی ارضک او سماکی

حاجه دخلت جوا دمی حاجه صبحت کل همی

تفرحی تضحک سنینی تحزنی بتبکی عینی

لما جانتی ف یوم حوریه م السما اجمل هدیه

ورده وما فیش زیها الغصون تشتاق لها

وف عینیها لقیبت طریقی وابتدی عمری الحقیقی

حاله عمری ما عشتها الا یوم ما عرفتها





ويولان شريط فكريات

أوصافها بتشبه أوصافى والحضن جميل دائماً دافى
وكأننا متفصلين على بعض وكأننا اكبر ملوك الأرض
قلب طيب عين تدوب من بعيد او من قريب
وشفايف بتنادى عليا بتقول انت النور لعينيا
الله ع الحب اللى بعيشه وكأن الكون مخلوق ليا
خدنى صوتك فوق سحابه صوت بيعزف سيمفونيه
أحلى من صوت الربابه والجيتار والسهميه





نسيك

اديتك فرصتك واتحملتك كثير

ما انا كنت لعبتك بسهر واشتاق واغير

خاين وكله الا الخيانه كان بيننا عهد ايوا كان

انا لو هموت بموت هوانا مقدرش اسامح قلب خان

ايوه صحيح قلبي اتمناك كان بيحبك وبيهواك

كنت بواعدك واستناك كنت بحايلك واترجاك


كنت لعمرى الذاد والميه نبض عروقي وضى عينيه

كنت طريقى حب حقيقى كنت شمس بتدور حواليه

والقلب اللى يحب يعرف ينسى ويكره

زى ما حس وحب يقدر يعشق بكره





ويوان شريط فؤاديات

إيكي واملا الكون دموع اشكى واتمنى الرجوع

مهما هتعمل مش هرجعلك ابدأ تانى

أصلى نسيتهك وانت كمان حاول تنسانى

ابعد قرب حاول جرب مش هتلاقى مكان فى زمانى

جى تكلمنى تانى ع الحب وع الغرام

جى تضيع زمانى وترجعلى الآلام

صدقنى خلاص نسيتهك ونسيت الشوق معاك

وكأنى لايوم هويتك ولا عشت سنين هواك

نسيت صوتك وصورتك نسيت اسمك كمان

وقلبى حب بعدك مبقاش لك فيه مكان





بتسأليني

بتسأليني هقدر يوم ابعده وانساكي

هتسيبيني واللا هلاقي بديل لهواكي

بتسألني بتحب ارد اقولك ايه

يرد نبض القلب يقول سؤالك ليه

احساس غريب في قلبي محيره

احساس غريب مش عارف افسره

اللى عارفه انك بتديني الحنان

وبوجودك ببقا اقوى م الزمان

كل حرف وكلمه بيننا فرحه وبتسكن عيوننا

انا اللى اخترت م الدنيا اكون ليكي





ويوان شريط ذكريات



تكونى الضى لعينيا واكون الضى لعينيكى
تكونى النور للياليا واكون النور للياليكى
أنا اللى عشقت قبل العشق ما يكون عشق
أنا اللى عرفت اخلى الحب حب بصدق
وبكتب فيكى أشعارى وقلت معاكى مشوارى
هيبقى أحدى رحلة عمر هنسكرك فيه ومنغير خمر
اتشبكت الإيدى وعينين حضنت عينين
شفت معاكى الليالى احلامها ملونين
ايوا حبيتك بجد ومش كلام
حب بستان ورد وجنية غرام
اتخاصمنا ما احنا ياما اتخاصمنا
كنا نرجع تانى ونكمل كلامنا





ويوان شريط فكريات

كنا نتخاصم يخاصمنا الخصام.

كلمه منك كلمه منى نقول كلام

يعنى ايه الحب غير كل اللى قولته

يبقى دقة قلب او حلم وحلمته

انا مش ناسيكي

و لا ناسى لحظه ف لياليكى

طول ما ايديكى فى حضن ايديا

مش هيسيبيوا ايديا ايديكى





رحلة القمر

قالوا رحلة للقمر وانا باعشق السفر

سبت الدنيا وما فيها مهى رحله حلمت بيها

واتارى الرحله ليكى عشاق بتزور عينيكي

ما انتى اللى ف نور عيونك بيحلو السهر

لا دا انتى مش قمر انتى احلى م القمر

بتمرى ف اى صحرا تطرح ورد وشجر

راجع من رحلتى فى عيونى دمعتى

طويله سكتى ثقيله خطوتى

منايا افضل معاكى وان كان حبك خطر

بتمنى اخذك فى حضنى لو حتى الموج ياخذنى





ويوان شريط فكريات



بقيتى دنيتى دموعى وبسمتى طريقى وخطوتى

بحلم وحلم عمرى يجمع بيننا القدر

وبسأل روحى الف سؤال هيظهر لليالى هلال

هنتقابل عيونك تانى هتاخذنى

هنتقابل وترجع دنيتى لحضنى

هشوفك تانى بعيونى وتسمع ضحكك ودى

كان ايه خلانى اسافر زى الطير المهاجر

ما انا كنت رضيت بحالى وبوحدة الليالى

لا عرفت الحب لحظه ولا يوم ع البال خطر

قالوا رحله للقمر وانا بعشق السفر





فرصة ثانية

تعالى م المطر تعالى واستخبي

تعالى م المطر تعالى ف حزن قلبي

م البرد للدفا م الغدر للوفا

لكن كل الخطر لما يروح المطر

ويا طيور الربيع تروحي وتنسى حبي

شوفى بقى الفرق بين أول لقا وآخر لقا

أول لقا رعشة ايدين نظرة عينين منشوقه

آخر لقا غدر وبعاد نظرة عناد شوفى بقى

غرقت بيكى الطرق الشارع والرصيف

رمش عيونك غرق زى طيور الخريف





ويوان شريط فكريات

هجرتى عشنا بقالك كام سنه

واما رجع المطر وحسيتى بخطر

وعرفتى ان الضياع فى هجرى والوداع

بعتى الطير اللى باع ورجعتى تانى جنبى

مش هيا دى العيون ولا هيا دى الملامح

لكن مهما يكون قلبى بيقدر يسامح

هديكى فرصه تانيه وهعيش وياكى دنيا

بس بلاش الدموع فى غيابك والرجوع

تطفى دموعك شموع وكان الذنب ذنبى





أجمل بنات حوا

ادعكى الخاتم اطلبى واتمنى

انا اللى هطلعك مش الجنى

وهقولك شبيكى لبيكى

روحي وقلبي ملك ايديكى

ما انا فى الاسر بقالى زمان

ويقاسى وحده وحرمان

محتاجلك بلسم لجراحى

مشتاقلك محتاج لحنان

اتبسمى خلى الوجود ف عيونى يتبسم

اتبسمى خلىنى اشوف اجمل عيون وارسم





ويوان شريط فكريات

ارسم بايدي عينين يطلع لها فجرى
ارسم بايدي ايدين تمسح دموع عمرى
اجمل عيون اتبسمت منغير كلام اتكلمت
قالت بعيش حلمك انا بحلم بحضن يضمننا
لا عايزه خاتم ولا جنى عايزاك معايا تطننى
حبك كفايه ومين غيرك فى الدنيا عنك يشغلنى
بلمسه واحده تحولنى لاجمل بنات حوا
لحظة لقانا بتحضنى برقه وبقوه
منغير بساط بنطير قلبك فى ايد قلبى
وتشارك العصافير حفلة ميلاد حبى





لعبة قدر

جهزت شنطة سفر وخلص ع البعد ناوى

هنبقى لعبة قدر وهنتهى الحكاوى

خدت ايه وياك خدت قلبى معاك

اعمل ايه بدقاته وحدى وانت هناك

هانت عليك عشرة سنين

هانت دموع قلبى الحزين

مش لسه انا اللى كنت بتكتب الشعر ف عينيها

وبرضه انا اللى كانت تحتويك وبتحتويها

وهى انا اللى ياما حلمت يوم تلمس ايديها





هتفتكرها فى السفر او خلاص قلبك نسيها

مش هقولك ما تسافرش

قلت وما قلتش مسافر

بس خوفى ماتفتكرش إن قلبى معاك مسافر

دا احنا لحظة خصامنا سبق الخصام ندمنا

ازاى قسيت قلوبنا وقلنا ازاى كلامنا

عارفين ان الليالى هتنسينا الخصام

لكن سفرك يا غالى بعدك لو يوم حرام





ويوان شريط فكريات

حبيبي لسه فاكراه وبخاف لييجي بكره

حكايتنا تبقى ذكري يحكيها العاشقين

من بعد حكايه هايلاه تشبه عنتر وعلبه

يوم نبقي قيس وليلي اتنين متغربين

نبقي مجرد اسامى محفوره ع الشجر

لا شمس نهارنا تشرق ولا ليلنا يشوف قمر

هصوم العمر وانت هناك لحد ما اسمع مدفحك

لا انا هقدر فى يوم انساك ولا الدموع هترجعك





كلمة حب

مين اللى عاش احساسنا

لما الغرام يحرسنا

واما القلوب ببسلموا يتعلموا اخلاصنا

روحك ساكنه ف لياليا و ف دمي و كل خليه

على دقة قلبك بصحا وبنام على همسك ليا

ارواحنا بتهرب منا قبل ميعادنا بتتلاقى

تفتح ابواب الجنه ماهى للأحضان مشتاقه

كلمة حب سمعناها وقالولنا كثير معناها

لكن حبك خلاها نجمه وبتدور فى سماها





ويوان شريط ذكريات



لو تهجر لحظه مكانى او تبعد عن شطانى

ترجع عطشان لحنانى ولا عمرك تبعد تانى

حبك غيرلى حياتى

غيرلى حتى صفاتى

خلانى بعيش أيامك واتكلم نفس كلامك

وكأنى قبل لقانا معرفتش شئ ف الدنيا

عاشقك والعشق مقدر

ولا لحظه ف هجرك افكر

ما انت اللى بدأت معاك اعشق واتعلم واكبر

وانت اللى بطير فى سماك

ومعايا بنام او بسهر





ویران شریط فکریات



وبنادی یاناس عاشقاه

ازای انا عمری انساه

بیدق القلب عشان تسمع

لو تبعد ینادیلک ترجع

وف حضنی تبات هات ایدک هات

ماهو بعدک لو لحظه بیوجع

احلامنا بتکبر ویانا بتاخذنا وتطلع لسمانا

بنشوف عشاق بدموع اشواق

فکرینه الحب وعایشینه

ومجربوهوش ولا یعرفوهوش

ولا عاشوا الحب ولا سنینه





ويوان شريط فكريات



في عيونك رقه وحنيه
ومعاك الاحزان منسيه
يبقى ابعديه وافكر ليه
وانا بتمناك تفضل ليا
ويطول وياك عمري شويه





قصة هوايا

دخلت قلبي بنظرة عين

وبكلمه واحده من حرفين

وفى النهايه كل الحكايه مش عارفه تخرج تانى منين

بقدم اعتذار وبخرج من حياتك

وبرفض النهار لو جابلى ذكرياتك

لو صحيح بتحبني ليه حاولت تهدنى

لحظة ما كنت محتاجالك عايزه حضن يضمنى

كنت هتعشق كل كلامى

وهتغرق فى بحور احلامى





ويوان شريط فؤاديات



كانت احلام على أدي.....

قلبك يهواني لوحدي

تاخذ على أدماتدي

وتدوب في سمايا وارضى

انا ما اتخدعتش فيك ما انت ما كنتش كدا

كان حبي مالى عينيك وعشقت الحب دا

وكتير تجرح واسامحك وارضى الاحساس بجرحك

مع انى ف عز ربيع حسيت بالبرد معاك

حسيت بسنين بتضيع

وورود صبحت اشواك

اخرج بقا من جوايا خلىنى ارتاح وكفايه





ويوان شريط ذكريات

مبقاش خلاص فى عيونى دموع

مبقاش فى عتمة ليلى شموع

متقتلنيش بجرحك وتطلب منى اسامحك

هنساک لو العشق دوايا والحب هکتبله نهايه

لو فى دمی هغیره واهد قلبی واکسره

لو فى عمرى كل عمرى انهى عمرى واقصره

اخرج كفايه عذاب لا حب ولا أحباب

احزانى تملا كتاب انا عايزه اعيش وحدى

لا ف يوم هفكر فيك ولا هفتكر ليااليك

ولا احلفك بعينيك هتعيش لمين بعدى





ويوان شريط ذكريات



قصة هوايا بتنتهى قبل النهايه

وكأن دا كتير عليا فى حبك ارتاح شويه

واتارى فى حضنك الأشواك

بتجرح كل عين تهواك

وتجرح قلب عاش فى سماك

لكن قلبى بيتحداك

هسيك قبل ما تسيبنى وابيعك قبل ما تبيعنى

وهتنتهى احلى حكايه

اخرج بقا من جوايا





أنتِ شعري

كنت فاكِر نفسي شاعر باوصف الشوق والمشاعر

واكتشفت ف لحظه انك انتي شعري

زي ما انتي نبض قلبي وحلم عمري

كل ما امسك بالقلم وابتدي اكتب قصيده

والمعاني عنى تايبه

والحروف شارده وعنيده

فجأه تظهرلي عيونك ع الورق بتبتسم

القي رمشك احلى صوره

في القصيده تترسم





ويوان شريط ذكريات



والقى نفسى بفتكر كل اللي فاتنا

كل لحظة عشق بيننا وذكرياتنا

افتكر احساس خصامنا ...

او بكانا وابتسامنا

افتكر كل الكلام حتى احساس السلام

رعشة الحب ف ايديكى

نظرة الفرحه ف عينيكى

حتى احلامنا ف منامنا مش ناسيها

لما كنت اصحى عشانى تحققيها

لقى نفسى فى الفضا طابير بطوف

والقى قلمى ف حضن شلال م الحروف





والعيون بتشدني لأبعد بحار

واللالئ نايمه في حزن المحار

يعني انتي الملمه

وحي بعتاه السما

لو في حزني او بعينه ...

باكتب اسمك عالقصيده

ما انتي ابيات القصيده





هتجيني

هتجيني لغاية عندي

وتقول واحشاني العين دي

طول عمرى معاك يا حبيبي

وعارفي وعارف عندي

بحتاج دايماً لحنانك وبعيش ايامى عشانك

مبقاش فى الايد نسيانك

وعيونك قدرى ووعدى

طول ما بتاخذ وبتدى

وتدوب فى سمايا وارضى





ویران شریط زکریات



وغرامی علیک مش هاین

وتکون مخلص مش خاین

بززعک عمری جناین واهدیلک فلی ووردی

لکن لما بتهجرنی وتکون ناوی تحیرنی

بلقا کرامتی تصبرنی علی بعدک عنی وبعدی

وبفضل اعیش اتألم علی انی اضعف واسلم

وف عز الشوق لعیونک بظهرک برقی ورعدی

لا بسلم یوم لکلامک ولا بضعف یوم قدامک

لا بمد الاید لسلامک ولا اقول ایام وتعدی

هتجینی لغایة عندی

وتقول واحشانی العین دی





هنكلها

مش بأيدينا لو بأيدينا
كنا رسمنا طريق بأيدينا
فيه ما يعرفش الحزن مكاننا
ولا تعرفش دموعنا عينينا
كنا زرنا قلوبنا زهور
ومفيش قلب يعيش مكسور
كنا لغينا فراق وخيانه
من قواميسنا وعشنا ف نور





ويوان شريط فكريات



كان الطيب يفضل طيب
كان ع الشر الخير منصور
كنا مانعرفش الأحزان
والانسان يفضل انسان
وغرامنا ما يعرفش فتور
مهما عليه العمر يدور
لكن ما بيدنا هناك واللا هنا
هنقضى عمرنا بنحضن جرحنا
عشان احنا بشر نشبه ورق الشجر
فى الليل لوحدنا النسمة تهزنا





ويوان شريط فكريات



لا اخترنا يوم ميلادنا ولا آخر عمرنا
ننده الافراح تجينا تنزل الدمعه الحزينه
لو كان لينا اختيار بين ليلنا والنهار
كنا اخترنا زمان اسامينا
كنا سافرنا كواكب تاتيه
نسكن دنيا غير الدنيا
جينا الدنيا ويوم هنسيبها
عشنا سلامها ودوقنا حروبها
اخطاءنا لا يوم هنصوبها
ولا يوم فاتنا هيرجع لينا





هنكملها.... أيام لازم هنكملها

هنكملها بتميل ونحاول نعدلها

لا ف يوم هنغير مكتوبنا

ولا يوم هنغير مواويلها

أقدار ربي كتبها علينا

واسمها (دنيا) من أولها





اتحملت كثير

وقدرت تنساني وتنسى عنواني

وتسبني وسط الموج اغرق ف حرمانى

احلف بشوقى اليك وبحزن قلبى عليك

احلف بغدر عينيك هتجيني من تانى

اتحملت كثير نزواتك

كنت على الهامش فى حياتك

كنت بداوى بايدى جراحك

لما بترجع من غزواتك





ویوان شریط فکریات

کنت بترجع تبکی ف حضنی

کنت بنتسی ف حضنی همومک

ورجوعک کان شیء یسعدنی

عمری ما بغضب یوم ولا الومک

کنت بتحلفی وتوعدنی

انی حیاتک روحک ذاتک

المرادی هترجع تلقی مکان القلب حجر

طول البعد بیوجع وبیقتل ازهار وشجر

اصلی تعبت خلاص ما بقتش اتحمل

موت الاحساس مش زی الأول





ويوان شريط فكريات



مش هديك حضى هديه

دور على حضى يديك

مش هفردلك تانى ايديا

اعتبر انى سراب فى ماضيك

يعنى بلاش ترجع خليك

توهت القلب ف رحلاتك

اتحملت كثير اتحملت كثير نزواتك





صحي القلب

كنتى حبه وكان حبيبك اتعاهدتى معاه زمان

لا تسيبيه ولا يوم يسيبك شفتى فيه بر الامان

وف لحظه غدر وبعد وهجر سابلك حرمان ودموع احزان

واما فشلتى ف تجربيه واحده قلبك مات

وانا مش هقدر اعيش ولا لحظه مع اموات

صحي القلب كفايه موت وتعالى معايا

نبدا قصة حب جديده جواكى وجوايا

ابقى طريقك وانتى طريقى نبدا احلى حكايه

انسى الماضى بحلوه ومره وابدأى صفحه جديده

عمر الماضى ما عاش ولا عمره هيخليكى سعيده





ويوان شريط فكريات



مفيش حبيب يعرف يخون و يبيع حبيبه مهما يكون

ما يستهلش دموع ما يستاهلش عذاب

ما يتحسبش حبيب ع الحب والاحباب

اسندى راسك عليا واطلبى حتى المحال

لمسه واحده من ايديا تملكى كل الامال

لو تعرفى يعنى ايه معنى الوفا

وتجربى حضنى وتعيشى الدفا

هتلاقى كلمة حب عجيبه لا كان حبيب ولا كنتى حبيبه

كانت اوهام وجراح وآلام احاسيس عن الحب غريبه

صحى القلب كفايه موت وتعالى معايا

نبدأ صفحة حب جديده جواكى وجوايا





انا بستناها

کنت مصدق انی ف یوم هقدرأنساها

کنت مصدق انی هلاقی بدیل لهواها

وعشان کده کنا بنتغرب کنا بنبعد کنا نقرب

کنا نشرق کنا نغرب وارجع تانی لحبی معاها

انا بستناها ومحوش لیها سنین عمری

انا بستناها واستتی معاها طلوع فجری

انا بتمناها لا فراقها بایدی ولا بأمری

واحشانی اوی واحشانی

واحشانی یاکل زمانی





حببت الدنيا عشانك حبيتي الدنيا عشانى
م الدنيا عشقت حنانك وعنيكى كمان عاشقانى
مين غيرك تملأ مكانك مين غيرى هيملأ مكانى
خايف يا بكره تجينى وعيونها مش وياك
عاش عشانها سنينى وعشانها بستتاك
بلاش يا بكره تجينى لو مش هتيجى معاك
سامع يابكره نداها بتقوللى انا عايزاك
بترجى فيك وهوها زى بيترجاك
خايف يضيع عمرنا خايف يموت حلمنا
نتمنى بيكى المنى يسكن جداد عشنا
ابقا بعذابى هنا تبقا بعذابها هناك





مش اى لحظة غضب تكتب نهايتنا

نرجع نقول السبب الدنيا خانتنا

ونقول علينا انكتب الشوق وغربتنا

الحب اكبر من غضب لحظه

بيزورنا مره ف عمرنا واحده

وان ملفناش قادرين على سكة العاشقين

انفاسنا تبقا حنين بيزور قلوب تانيين

يديهم الياسمين ويسيب لنا الأشواك

خايف يا بكره تجينى وعيونها مش وياك

عايش عشانها سنينى وعشانها بستناك





بتتصل

بتتصل فكرياتى هقبل ارد

وكأن شوقها ليا فاق الحد

وكأنها بتحس بيا وكأنها بتخاف عليا

وكأنها حبيبتى لحظه بجد

بتتصل

هتسألى عن صحتى

وانتى السبب فى غربتى

وهتنسى مين اللى وعد

مين فينا خان العهد





ويوان شريط فكريات



وانتى اللى خدتينى السما
وانتى اللى خدتينى لسابع ارض
حببت وكانت دنيتى عينيكى
وقتلتى فرحة عمرى باديكى
زرعتى ايامى اللى جايه بشوك
وزرعت ايامك بأجمل ورد
نسيتى ازاي احساس دفا حضنى
وازاي عيون الناس بتحسدنى
وازاي هوانا كان بيحيينا
وازاي مدفينا فى عز البرد





ويوان شريط فكريات



خدتك فى حضنى كنتى محتاره

وطلعتى زى الدنيا غداره

حسبتيها بمكسب واللا بخساره

وف لحظه شفتى مكسبك فى البعد

أصعب ألم لو يوم حبيب خان أو ظلم

أصعب ألم بيحول الدنيا لعدم

كسبتى إيه لما قتلتى فيوم برئ

وخدتى إيه لما حكمتى يموت غريق

غريق فى بحر الوحده والغربه

عايش بدقة قلب كان لعبه





ویوان شریط فکریات



هتقولى ايه لو يوم فتحت عليكى

هتقولى آسفه خلى اسفك ليكى

فكرانى هقدر اصدقك بعد اللى كان

نفس الشفايف والكلام انقال زمان

انا كنت عايش دنيتك.....

وكنت بعشق رنتك

لا هقبل افضل لعبتك

ولا يوم هصدق كدبتك

وبين طريقى وسكتك الف سد وسد

كفرت بالحب وكفرت بكل انشى

وعشت منغير قلب قدرت ابعده وانسى





مش هسمعك ولا هتخدع تانی

سیبینی اعیش یأسی وحرمانی

سیبینی اکمل عمری بتألم

مش رنه هترجعنا تانی لبعض

بتتصل فکرانی هقبل ارد





عاشق فقير

شفتى ايه آخر سكاتك شفتى انا والحب فين

التردد من صفاتك قلبى محتاج كلمتين

مبقتش الدنيا هيا ولا الزمن زمن

لا وجبه مجانيه ولا شئ منغير تمن

مش كل حاجه نعوزها بنطولها

ولا اى حاجه نحبها ننولها

منايا هيا بحب وانا عارف

انى هكمل عمرى منغيرها





ويرون شريط زكريات



مقدرش حتى اوصف لها حبي

ولا اد ايه بسهر وبشكيلها

واما العذاب بيدق باب قلبي

في منامي بجرى عليها واحكيلها

انا اللي الحب موالى

ماليش غير حبي راس مالى

عاشق فقير انا عاشق لكن فقير

مش هبنيلك قصر كبير

وعلى حصان هخدك ونطير

انا هديلك عمر وهبته كله عشانك

وهسلمك قلب ما دقش غير لحنانك





ويوان شريط زكريات



كل وعودى انك هتكونى قمر فى سمايا
امشى معاكى طريق العمر وتمشى معايا
اوعدك بأيدىين هتمسح دمعتك
اوعدك بالفرحه تملأ دنيتك
يعنى كل وعودى ليكى...
قلب عاشق بين ايدىكى
قلب دق يوم ما قابلك دقه غير دقه اللى فات
دقه واحده فيها فرحه فيها تنهيده وآهات
يومها معرفتش افرق بين ثوانى او ساعات
كل دا بحكيه كتير لما فى الأحلام تجينى
وانتى فى ايدىكى المصير تقبلى او ترفضينى





أطفال الشوارع

بكرهك يا بوبيا بكرهك يا أمي

ولا انت كنت ابويا ولا انت كنتي امي

لا يوم حسيت بضعفي ولا قمتي يوم تسمى

قضيتوا ساعات تمام في ليلة انسجام

وكنت انا الضحية جبتوني في الحرام

سهرت انت وعاشيقتك وتالتكم الشيطان

والآخر شيلت شيلتك ورممتي للزمان

لحظات لا كات بايدي ولا كانت يوم بأمرى

ليه متعتك ياسيدي يكون تمنها عمري

ازاي تتام دفيان وابنك ينام عريان





ويوان شريط ذكريات



ازای تاكل وتشبع وعارف انى جعان
بشكى رب العباد اعضائى فى المزد
طالبين ازای اكون انسان يحمى الوطن
وانا قلبى والعيون كارهين ظلم الزمن
طفل لقيط اتولد طالبين يحمى البلد
انا ابويا خد وهات وأمى مخدرات
بيحاربنى الزمن وبحارب الساعات
انا طفل الشوارع انا الموجوع وواجع
لا هعرف يوم طريقى ولا ليا فجر طالع
معرفتش مين ظلمنى ودايماً حقى ضايع
ابنك عالارض نايم متغطى بالسما
وانت بتعمل عزائم عايش فى مغنمه





ويوان شريط فكريات



مع انى حتة منك الأرض أحن منك
لو عايز يوم تجينى تحت الكوبرى تلاقينى
مالى التراب جبينى وهدومى مقطّعه
انسان ما اعرفش اسمى وجراحى مسمعه
برد بياكل فى جسمى او شمس مولّعه
سارق لقب انسان وادنى م الحيوان
ازاى فى يوم تتوب واسامح قلب خان
آه من وجع القلوب آه من غدر الزمان
نسيت يوم الحساب يا اندل الذئاب
هتدوق فى الدنيا ظلمك وفى الآخرة العذاب





اختلفنا

انا مش سهله يمكن كنت معاك متساهله
ايوا ادبتك لما هويتك وعشقتك من اول وهله
لما شفت حنان عينيك دق قلبي نده عليك
نفسه جواه تستخبي م الوجود كله يداريك
قلت هنسى معاك دموع عشقت عينيا
جوه حضن هواك تنسينى الاسبه
سبت نفسى لحلم عمر كنت اقول اوامرني امر
قلت استنى واستنيت وابتديت احلم ببيت
كله بمبى شمسه حبي بس م الاحلام صحيت





ويوان شريط فكريات



كلمه واحده قلتهاالى اتهدم حلم اللليالى
قلت هنكمل صحاب الامل سمعك وداب
كل كلمه حلوه بيننا شفتها كلمة عذاب
غلطانه ف حق نفسى قبالت اديك كتير
اديتك ضى شمسى اخلاص قلبى الكبير
مش هكونك تانى تابعه قلبى مش هيكون اسير
ايوه عمرى ما كنت رابعه بس حبيت وبضمير
اختلفنا اختلفنا واختلف فى هواك هدفنا
انا عايزاك للعمر شريك وانت عايزنى من جواريك
قلت حبك مش نصيبى من غير توتر او غضب
انا اللى سميتك حبيبى وانا اللى بسحب اللقب





مش سهل انساك

مش سهل عليا انساك من بعد ما عشت معاك

ان غبت سنين عن عيني هتجيني وهستاك

ما انا ليا معاك حكايات ولقابي معاك دقات

مقدرش انساك يا حبيبي و لا ينسى القلب هواك

مش سهل انسى اللي هويته

وعرفت الحب معاه

ومعاك الجرح داريته ومقولتش حتى الآه

يوم تجرحني وتبكييني

وتسهرني بدموع عيني





ويوان شريط فكريات



يوم تداوينى وتهنئى

والقا معاك الجرح ناسينى

كنت بشوف الغصن يميل ع الغصن يقوله كلام

واسمع صوت النجمه بتبعث للنجم الانغام

كل العالم كان حواليه

افراح رايعه وافراح جايعه

واما قالولى حبيبك راح

شفت العالم كله جراح

حتى سمايا بتبكي معايا

وتودع طعم الافراح

مش سهل عليا يا عمري

من بعد ما عشنا سنين





ويوان شريط ذكريات



وف حضن الحب انا وانت

ما شافوش فرحتنا اتنين

وف لحظه لقيتني لوحدي الذكري معايا وعهدى

بتمنى انساك واترينى

بتمنى القا اللي ناسينى

شوف القمر يوم هجرنا غاب القمر

كل الأحبه ف بعدنا رفضوا السهر

حتى النجمه اللي عرفناها

واللى سهرنا ليالى معاها

ياما ف بعدك بستناها

ولا بتجينى ولا بلقاها





يمكن انسى الزاد والميه ...

انسى وجودى وظلمك ليا

لكن مش سهل انساك

من بعد ما عشت معاك

ان غبت سنين عن عيني

هتجيني وهستناك





الأول والأخير

فكرانى ف لحظه ضعت لحظة قلبك ما باعنى

ايوه صحيح اتخدعت ولا غيرك يوم خدعنى

بغرام يخفى الحقيقه شفت عيونك بريئه

وحنين الشوق واخذنى لعيونك الغريقه

ازاى مقدرتش اعرف ان وعودك سراب

ولاول مره بضعف واعشق منغير حساب

ازاى معرفش افرق بين حب وبين خداع

وازاى وف لحظه بغرق انا وكلمة وداع





ويوان شريط ذكريات



ما ضعنتش صدقيني ولا بكيت عيوني

ما انا كنت بحب فيكي الصدق اللي ف عينيكي

وف لحظه الصدق خان وكأنه ف يوم ما كان

ولقيت احساسى راح ويا نزيف الجراح

وقبل ما تبيعينى انا كنت نسيت وبعث

ولسه بتقولها ولسه بتعيديها

ازاي بعد اللي شفته حبيبي بتتطقيها

بلاش تقوليها تانى وبكديك تتعييها

وسيبى اللي يقولها قلوب بتحس بيها

اديت واديت كثير انا وقلبي الكبير





ادیٔ کل اللی عندی وفیت دایماً بوعدی
بتحبی ازای وترضی اتوه واشتاق واغیر
یاما کنت عشانک اسهر فی عیونک اتوه وافکر
فی غرام مکتوب مقدر کنت بشوفک مصیر
رعینک واحتویتک کنت طریقک وبتینک
وفی الآخر لقتینک حلم ودخان یطیر
یاما کنتی تقولی عنی فی دمی وحته منی
وانی الفارس وأنی الأول والأخیر
واتاری الحب کلمه ونور بیداری ضلمه
عرفت الغدر لما صحیت م النوم علیها





حُب السنين

بتسألني وشايفه ف دموعي الجواب

ما كنتي عمري وأغلى صفحه في الكتاب

وعارفه إنك كنتي عندي كل حاجه

يبقى ليه نعتب وايه آخر العتاب

بتسألني حب السنين لو سابنا يوم هيروح لمين

واحنا اللي علمنا الحنين يسكن قلوب العاشقين

انسى الجواب وانسى السؤال

لا تسأليني ولا اسالك

بنينا قصر من الرمال

وكنت دايماً افكرك





ويوان شريط فكريات



مع أول موجه جايه هيضيع ونضيع معاه

هنخسر القضييه ونخسر الحياه

واللى اتبنى م الرمل بيرجع رمل تانى

نحلم وطم العمر بيتهد ف ثوانى

ما فكرناش ساعتها قصتنا ايه نهايتها

لا عاشها حد غيرنا واللا الايام شافتها

جميله البدايه حزينه النهايه

يا اجمل حكايه واقصر حكايه

حبيبتى خلاص وصلنا لمفترق الطريق

عرفنا خلاص مصيرنا غريقه ف ايد غريق





ویران شریط و کوریات



زی مقربنا نبعد ونسلم للقدر

لا شیء فی قلوبنا یسعد

ولا لیل یعرف قمر

وداع یا حته منی یا عمر ضاع وخاننی

یا حلم هعیشه واحدی

کان بیکی حلم وردی

مخنتش لحظه عهدی

ولا کان بعدک بییدی





صفحة من كتاب

مبقاش العمر فيه علشان تضيعيه

سيبي اللي باقى منه اعيشه واحس بيه

يعنى لما هتسيبيني ايه هيجرى

مش هعيش بعدك سنينى

واللا مش هيجينى بكره

هتمنعى النجوم تطلع تملأ السما

هتزرعى الغيوم وهشوفها مضلمه

قبل ما اشوفك واقابلك

ما انا عشت سنينى قبلك





ويوان شريط فكريات



وحياة قلبي اللي حَبِك هقدر انسى الهوى
انسى الاحلام فى حَبِك واغزل م الشوق دوا
انسيني وعيشى وحدك
و نسيتى ما نسييتيش
مش هيموتتى بعدك
هقدر اكمل واعيش
انسا اللى كان مابيننا وفاكره مايتنيسيش
مابقتش خلاص افكر
مين ادا الحب اكثر
مين ع الاشواق هيقدر
مين يكسب مين هيخسر





ويوان شريط ذكريات



فرشتك القلب بيت وكان لأحلامك سكن

ويا ما هديتي وبنيت

واديت كثير منغير تمن

قلتي كلمة بحبك قولتيها وقلتها

وسنين العمر جنبك عشيتها وعشتها

كنت فاكر انى هعيش بعدك حزين

او عشان انساكى هتعذب سنين

هنفترق وايه يعنى

مبقاش فراقك يوجعنى

كنت بشوف الحب جنابين

مزروعه فرحه وحنيه





ویوان شریط فکریات



مخلص قلبی

وقلبك خاين هد الحلم وبكى عينيا

انتي صفحه من كتاب كل أوراقه عذاب

كل حرف وكل كلمه كل سطر ف حزن داب

ايوه خلاص راحت ليالينا

ايوه طفينا النور بايدينا

زى ما جانا لقانا بفرحه جانا البعد وبكى عينيا

ايوه قلبت الصفحه خلاص

هدا بعدك صفحه جديده

بحروف من حب واخلاص

تبنى حكايه فصولها سعيده





شریط ذکریات

حاولتی کتیر تنسینی اللی فات

وقلتی الماضی کان عایش ومات

لقت ایامی محفورہ لقیثها صورہ ورا صورہ

وکل دقیقہ فی الماضی علی شریط ذکریات

واقارن بین لیا لیکى و لیا لیا

واحساس روحی بعینیکى وبعینیا

واحساس لمستی ایدیکی

واحساس لمستی ایدیها





ويوان شريط ذكريات



مش حكيت اول كلامى واعترفت بحبها

قلتى هينسيك غرامى كل لحظه عشتها

قلتلك كانت هوايا والنجوم اللى فسمايا

عاشت الأيام معايا شمس روحى وضلها

رغم انك بتعيشينى وفعيونك خبيبتينى

روحى كانت بتساهينى تاخذ اللحم وحنينى

كل لحظه من سنينى

وتجرى تسكن حلمها

اشتكت منى الشوارع سبت بيت وسكنت شارع

تهت عن فجرى اللى طالع

... .. فجرى كان مع فجرها





ویولان شریط فکریات

اتعلمت معاها اول كلمة حب

وسمعت ف دنیاها اول دقة قلب

لو فکرت انساها صعب ومليون صعب

وعشان یرتاح ضمیری خرجتک من مصیری

یمكن لو سبتی حزنی تعیشی حزن غیری

لآخر سطر فی کتابی هعیش راهب فی محرابی

صورتها وشم علی بابی

حبیبتی ولیا اسبابی





فهرس المحتويات

رقم الصفحة	القصيدة	م
٢	كسر المشاعر	١
٥	وقالو الحب	٢
٧	إنت فين	٣
٩	فارس	٤
١٢	بتحبنى	٥
١٤	بودعك	٦
١٧	قطعة شطرنج	٧
١٩	أربع حروف	٨
٢٣	أنا مشرقم	٩
٢٦	نارالبعء	١٠
٢٨	أمل حدوتة	١١
٣٠	نسيك	١٢





٣٢	بتسأليني	١٣
٣٥	رحلة للقمر	١٤
٣٧	فرصة ثانية	١٥
٣٩	أجمل بنات حوا	١٦
٤١	لعبة قدر	١٧
٤٤	كلمة حب	١٨
٤٨	قصة هوايا	١٩
٥٢	إنت شعري	٢٠
٥٥	هتجيني	٢١
٥٧	هنكملها	٢٢
٦١	اتحملت كثير	٢٣
٦٤	صحى القلب	٢٤
٦٦	أنا باستناها	٢٥
٦٩	بتتصل	٢٦





٧٤	عاشق فقير	٢٧
٧٧	أطفال الشوارع	٢٨
٨٠	اختلفنا	٢٩
٨٢	مش سهل أنساك	٣٠
٨٦	الأول والأخير	٣١
٨٩	حب السنين	٣٢
٩٢	صفحة من كتاب	٣٣
٩٦	شريط ذكريات	٣٤

